
DIARIO *Espectaculo*

E cancionnan riba mini cd di Edwin Zichem

E potret hunto cu e articulo aki ta di Edwin Zichem cantando su cancion "Carnaval" cu a bira manera e himno di carnaval di Aruba, durante celebracion di Carnaval 25 di Aruba, den presencia di miembronan di directiva di SAC di e tempo ey.

"CARNAVAL"

E parti di e refrein cu a bira masha popular den pueblo di aruba y carnabalistanan, di e cancion "Carnaval", tabata e frase "Carnaval carnaval, esta dushi ta carnaval!".


El a wordo usa den discursonan pa reina nan, el a duna un toke special na promocionnan cu a zona na radio emisoranan local y te dia di awe ta ser recorda pa grandi y chikito como e prome "jingle" oficial di Aruba su carnaval.

Di e otro cancionnan mi no tabata tin nada di kibra cabez tampoco pasobra den e CD informacion a ser duna tambe di nan.

"MES ORA"

Mes ora ta e di dos cancion riba e CD y na principio di decada 50 e tabata un dicho popular y tabata wordo usa pa hoben y grandi.

Mama tabata bisa "Haci bo



camber limpi" y e yiu tabata contesta: "Mes ora!"

E por tabata den un situacion masha comun.

Ora e dama bisa su cada "Dushi corda chapi e cura!" e cabayero tabata contesta "Mesora".

E dicho aki tabata asina popular cu Edwin Zichem a dicidi di pone den un grabacion cu ritmo di tumba.

"TOCADO"

Tocador ta basa riba e cabayero cu ta gusta toca diferente instrumento musical, pero su inspiracion e ta haya ora e mira culpa di guitara di e muhe su dilanti.

Cu gana e ta keda di por toke, pero cu e speranza di por bolbe mire.

"Ta tocado mi ta", e cancion ta bisa y kizas ta asina mes e ta!

Importante ta pa por disfruta di e sabor di antaño cu Edwin Zichem ta ofrece cu e cancion aki.

"MOSA BUNITA"

Un di e mosa-nan bonita cu Edwin a referi na dje den e cancion aki ta su señora esposa Cornelia Bergen.

Edwin tabata e galan den su epoca y nota pornada cu e "mosa-nan bonita" tabata loco cune. Edwin tabata e galan di Sensacion Musical



y mester a dedica un cancion na e damanan bunita y "Mosa Bonita" a zona den tur fiesta y tabata hasta un instrumento di conquista un "mosa bonita", djis scucha e palabranan.

Tur e cancionnan menciona aki riba tabata exitonan di prome añanan di decada 50, mescos cu "Elenita"

"ELENITA"

Nieta di Edwin, Ruvette Dirksz splicando e cancionnan aki riba e CD a splica tambe e "Elenita" cu den su tempo tabata un di e cancionnan mas gusta riba nos isla tambe. Un di e cancionnan cu "marca Edwin" no solamente pa su voz, pero tambe pa su musiconan y zonido cu e conhuntan tabata produci cu solamente un microfono cu ta pa canta aden.

"Elenita" ta un di e cancionnan cu a sobrevivir añoranzanan 50 aña caba y awendia den hopi programa di musica di antaño, e ta un di e cancionnan special pidi. "Elenita a bebe burachi, bula bentana kibra su pia", un cancion cu a hala atencion pa su forma comico di

por trece un tema serio pa medio di canto y melodia, y manera Ruvette a bisa, "ta ora bo scuche, bo ta ripara di con".

RUVETTE

Tres aña Ruvette a traha pa por logra e soño di pone cancionnan di su welo riba CD pa conserva e hitnan aki, y su gradecimento ta bay na Oscar, Victor y Juan Carlos pa e cooperacion brinda na locual e ta considera "un proyecto chiquito pero yen di bida y cu su tempo a yega."

Pa Ruvette por ta un proyecto chiquito, pero pa e pueblo e ta algo gigantesco, pa no solamente familiarnan por sigui deleita cu e cancionnan aki, pero tambe cu henter e pueblo por sigui disfruta di e inspiracionnan aki "cu nunca ta bay perdi" usando palabranan di Ruvette mes. DJ nan, toca e cancionnan aki. Ta hopi 40 plussers riba nos isla a admira y ainda ta admira Edwin Zichem, y kier sigui scucha su grabacionnan di "ayera". E cancionnan aki ta hala mas hopi oyente cu hende ta kere.

Juby Naar.

**NOS
TA BAI
SERA****LIQUIDACION
TOTAL
75%****MONTERREY PLAYA****DESCUENTO NUNCA VISTO****THE ICEBERG** BAR & COCKTAIL LOUNGE
SAVANETA 32**TA PRESENTA LIVE MUSIC****Diabierna 14 Nov. "SOUND and MORE Y YOU & I BAND"****Diasabra 15 Nov. Banda "KAZU"****Diadomingo 16 Nov. "MILLENNIUM BAND"****NOS TA WARDA BO - FELIS WEEKEND!****La Ronda**
ta presenta: *Café* Socotorolaan # 33 • Tel: 834450**Diabierna 14-Nov-03****"Banda Blade"****Diasabra 15-Nov-03****"CASSENGER SWEET BAND"****THE
PLACE
TO BE!**